

四十八  
灌木類  
寓木類

書天二才





和漢三才圖會卷第八十四之五

卷之八十四

灌木類

桑くわい

奴柘ぬしやく

枸橘きうきつ

白棘はくしき

山茱萸さんしゆいゆ

桑白皮そうはくひ

楮か

卮子し

狸核りかく

胡頹子こたいし

桑椹そうざん

から

をさきしう

柘しやく

枳殼しやくこく

酸棗仁さんそうじん

楸木しゆぼく

金きん



枳實

和漢三才圖會

灌木類

卷之八十四之五



本草綱目卷之五十一 木部

郁李仁

冬青

馬醉木

狗骨南天

枸杞

楊櫨

牡荊

木槿

鼠李

狗骨

吉利子樹

南天燭

地骨皮

壩齒花

蔓荊子

扶桑

女貞

繡樹

衛矛

五加皮

溲疏

石南

紫荊

白槿

木芙蓉

蜀茶花

密蒙花

黃楊

木天蓼

檇木

粉團花

笑靨花

山茶花

蠟梅

木綿

賣子木

藤天蓼

太空

山牡丹

槪花

海石榴

伏牛花

柞

筧樹

接骨木

楮

小粉團花

綿帶花

本草綱目卷之五十一 木部 目錄二



本草綱目卷之八十五

虎茨

列珠樹

珊瑚樹

山橘

夏黃櫨

三叔木

加豆於之美

臭蕨

金雀花

梅嫌木

柎

平地木

伊比桐

百日紅

山茶科

白丁花

八手木

瓢樹

柎

青木

讓葉木

猿滑

槭樹

鼠取樹

卷之八十五

寓木類

茯苓

雷丸

紫稍花

琥珀

桑寄生

猪苓

占斯

苞木

竹之類

竹

籜

竹瀝

竹黃

竹筍

筍竹

和漢三才圖會 卷之八十五 目錄三



紫竹

銀明竹

虎彪竹

篠

椶竹

暴節竹

雙歧竹

鳳尾竹

棘竹

百葉竹

後竹

篔竹

人面竹

樹竹之用

樹

枝葉

節

和漢三才圖會卷第八十四

攝陽 城醫法橋寺島良安 尚順 編

灌木類



桑

音 莊

子名穗

和名又波

本綱桑箕星之精乃蠶所食葉之神木也。有數種。白桑其葉大如掌厚。雞桑葉花而薄。子桑先穗而後葉。山桑葉尖而長。女桑小而條長皆以子種者不若。屢條而分者桑生黃衣謂之金桑其木必將槁矣桑以構接則桑大桑根下埋龜甲則茂盛不蛀。



桑白皮

桑根白皮

○桑寄生 見寓木類

氣味甘辛 治水腫喘滿去寸白治小兒天疇驚癇客忤  
如瀉白散能瀉肺火治喘嗽其火從小使去但肺虛而小使者  
不宜又用桑白皮作線縫金瘡腸出更以熱雞血塗之  
凡使采十年以上向東畔嫩根銅刀刮去青黃薄皮一  
重取裏白皮切焙乾用其皮中涎勿去之藥力俱在  
止也忌鹹木之白皮亦可毒不可用  
用煮汁滌褐色久不落

桑椹

一名文武實

有烏白二種單食止消渴治關節痛久服不飢安神龜令  
入聰明白髮能變黑頭黑椹一斤煉餅一斤煎盛封開縣信軍  
△按桑養蠶壘之地皆多栽之有不實者俗謂之男桑其桑

椹初青白漸赤色熟黑味甜其木堅實黃白色有橫理  
為箱器

古今醫統云白桑葉大而無子蠶食之繭厚絲堅而倍  
常取枝可壓熟地

桑葉 四月茂盛時采之又十月霜後多落葉時少殘葉  
名神仙葉即采之與前葉同陰乾搗末服丸散煎或代  
茶飲之能止消渴除脚氣水腫及勞熱咳嗽



柘

射音

和名豆美

俗云山木

俗以柘字為黃楊木訓甚非也

本綱柘山中有之喜叢生幹疎而直葉豐而厚團而有尖  
其葉飼蠶取絲謂之柘蠶然葉硬不及桑葉其木裏有紋  
可旋為器或作琴瑟清響勝常弓人取材以柘為上其實



狀如桑子而圓粒如楸名佳子音其木深黃赤色謂之柘黃天子所服也柘木以酒醋調礦灰塗之一宿則作間道烏木文物性相伏也

柘白皮甘温能通腎氣治耳鳴耳聾補勞損虛羸洗目令

明又能治夢遺用之

△按柘阿州土州山中有之以為弓木黃色

農政全書云柘木堅勁皮紋細密上多白點枝條多有刺葉比桑葉甚小而薄色頗黃淡葉稍皆三叉其根似飼蠶又有綿柘刺少葉似柿葉微小枝葉間結實狀似楸桃而小熟則亦有紅葉味甘酸



奴柘

本綱奴柘生山野此樹似柘而小有刺葉亦如柘葉而小冬不凋可飼蠶



楮音

穀音構同  
和名如知  
俗云加字曾  
从穀从木五穀之  
穀从木

本綱穀與楮乃一種枝葉相類不必分別惟有雌雄辨之雄者皮斑而葉似葡萄葉而無柘又三月開花成長種如柳花狀不結實雌者皮白葉相似而有柘又亦開碎花結實如楊梅半熟時水探去子蜜煎作果食之二種樹並易生葉多澀毛剝皮擣煮造紙亦緝練為布不堅易朽其木腐後生菌耳味甚佳好以楮樹皮間白汁和



白及飛過調糊接骨永不脫解過干膠漆

猪實甘寒一名猪桃又名穀實治陰痿水腫益氣充肌明

目久服不飢不老壯筋骨補虛勞  
按猪皮今多造紙又織布往昔稱木綿訓由是也今亦

枳實



### 枳殼

和名加良太知  
今多用字音

ツウコ

本綱枳殼木如橘而小高五七尺葉如橙多刺春生白花  
至秋成實以皮厚而小者為枳實完大者為枳殼皆以翻  
肚如盆口狀陳久者為勝其樹皮名枳茹  
周禮云橘逾淮而北為枳然今江南枳橘俱有江北有枳  
無橘此自別種非關變易也蓋枳殼枳實一物也或呼老

者為枳殼生則皮厚而實熟則殼薄而虛正如橘之青皮  
陳皮之義也近道所出者俗

枳殼微若酸破氣勝濕化痰泄肺走大腸蓋枳實枳殼氣

味功用俱同無分別魏晉以來始分之大抵其功皆能

利氣行則痰喘消氣利則後重除

### 枳實

氣味苦寒 瀉痰去心下痞及宿食不消凡非白朮不

去濕非枳實不能除痞故潔古制枳朮丸方以調胃脾

以蜜炙用則破水積以泄氣除內熱氣血弱者不可服

以其損氣也枳實主上下血

△按枳殼樹其刺一二寸多有之栽藩籬以防盜害七八

月摘其實為枳實九十月徐大者為枳殼

於本朝亦植蜜柑於奧州變成枳殼一異也其他諸國



橘類共有而多接柑橘類於枳故以柑橘核種之生者多矣枳實枳殼多出於備前



枸橘 けぢ 臭橘 俗云介頂

本綱枸橘樹葉並與橘同但幹多刺二月開白花青蔬不香結實大如彈丸形如枳實而殼薄不香人家多收種為藩籬亦收小實偽充枳實及青橘皮售之不可不辨蒙空云臭橘皮微綠不堪藥用今市家欺世煉利無益有損

△按枸橘即枳之種類而樹葉實與枳無異但實小堅青綠色深於枳充之小枳實大非也故及贅言



卮子 くらが 木丹 越州 鮮支 梔子 花名 菴蔔 佛和名 久知奈之 卮酒 器此子 形象之故名

本綱卮子南方及西蜀皆有之木高七八尺葉如兔耳或似李而厚深綠春榮秋瘁入夏開花六出白瓣黃蕊甚芬香隨結實如訶子狀生青熟黃中仁深紅入藥宜用山也子皮薄而圓小刻房七稜至九稜者為佳

伏尸卮子 形大而長入藥無力只可染色

紅卮子 蜀中有之其花爛紅色其實漆物則赭紅色

畫譜云有大花者有千葉者有福建矮樹卮子可愛高不盈尺梅雨時隨手剪拚肥土俱活

山梔子

山梔子 山梔子 山梔子



山梔子苦寒 瀉肺中火 其凡有四除 心經客熱 也除煩燥 也去上焦虛熱 也治風 也瀉三焦之火及痞塊中火邪最清胃腕之血其性屈曲下行能降火從小便中泄去 非利小便乃清肺也肺清則化行而凡治上焦中焦 連殼治下焦 漿妙用之 黃治血病炒黑

△按梔子葉似茶葉花單者結子出於播州三木郡者良和州山州次之 千葉者名玉樓春而不結子葉似菴椒葉而厚甚光澤或抽一莖生大葉似茶葉此一本而異葉者也植庭院人要均刈不長也福建矮梔之種矣



酸棗仁

山東

本綱酸棗仁天下皆有之似棗木而皮細其木心赤色莖葉俱青花似棗花八月結實紫紅色似棗而圓小味酸其核中仁形微扁味甘此物纔及三尺便開花結子但科小者氣味薄木大者氣味厚今陝西山野所出者亦好

凡平地則易長大居崖塹則難生而其不長大者名白棘故白棘多生崖塹上及至長成其刺亦少

實性酸 主肝病寒熱結氣酸痺久洩臍下滿痛之證 仁性酸 熟用療膽虛不得眠煩渴虛汗之證生用療膽熱好眠皆足厥陰少陽藥也 其根節止汗也 本經不言用仁而今天下皆用仁惡防已

白棘

棘刺 棘鍼 赤龍瓜

本綱酸棗之未長大時枝上刺也有赤白二種而入藥當用白者為佳 辛寒 治心腹痛癰腫潰膿上痛 凡獨生而高者為棗列生而低者為棘故重東為棗平東為棘





白梅狹與  
俗云不鳥止  
スイホツ

本綱荑核樹高五七尺叢生葉細似枸杞而枝長花白子  
附莖生紫赤色大如五味子其花實荑核下垂故謂之核  
莖多細刺其子入藥用中仁或合殼用  
仁甘溫強志明耳目一切眼科良藥春專膏百點膏檢  
雲膏等眼藥入用  
△按倭名抄以核訓太良者非也太良者核也見干後  
山谷中有木高三四尺葉小團長似黃楊葉又似枸杞  
葉而厚其子九月熟赤色枝葉間刺多鳥不能來止故  
俗呼曰鳥不止恐此荑核矣



たらしのこ  
俗云太良乃木  
忽音  
倭名抄以核訓  
太良者非也按  
則荑核見干前

本綱槐木高丈餘直上無枝莖上有刺樹頂生葉謂之鶻  
不踏以其多刺而無枝故也山人折取頭茹食謂之吻頭  
△按槐山谷有之項上生葉秋凋春生取嫩葉可燂食有  
獨活之香氣葉間開小白花成叢隨結子小而黑色如  
椒目其木枝皆有刺



鮮者色紅  
肉束雞足  
魁實鼠矢  
蜀酸棗  
山人之也



本綱山茱萸與吳茱萸甚不相類治瘧亦出近道諸山中木高丈餘葉如梅有刺二月開白花如杏四月結實如酸棗初熟朱乾赤色如胡頹子亦可取既乾皮甚薄氣味酸溫強陰益精安五臟通九竅止小便利補腎氣

堅陰益仲景八味丸用之為君其性味可知矣凡使宜去核核實能壯元氣秘精惡桔梗防風防己按倭亦希有之葉無刺花細小黃似女昂花此則圖會



### 胡頹子

黃波孺

和名久美

一名毛呂太示里

ウクトイツツ 本朝式云諸生子

本綱胡頹子生平林間樹高六七尺其枝柔軟如蔓其葉微似棠梨長狹而尖面青背白俱有細點如星老則星起如麩經冬不凋春前生花後如丁香蒂極細倒垂正月乃

敷白花結實小長儼如山茱萸上亦有細星斑點生青熟紅立夏前采小兒食之當果味酸澆核亦如山茱萸但有八稜軟而不堅核內白綿如絲中有小仁子酸澆止水痢根煎水治吐血不止者葉同前能治喘欬劇者效如神甚者服藥後胸上生小瘰癧作痒則瘥也虛甚加人參等分名清肺散

木半夏

一名四月子

本綱云其樹葉花實及星斑氣味

並與蘆都同但枝強硬葉微團而有尖其實圓如櫻桃而不長為異耳立夏後始熟故俗呼為四月子其核亦八稜大抵與胡頹子一類二種也

△按胡頹子大抵有三種其葉與實皆有少異耳一種當春月種苗時實熟大如小棗者名苗代胡頹子一種五月實熟大如棗而莖長五六寸下垂一種九月實熟小其大如櫻子而成務



本草必讀圖



### 金櫻子

キンイシツク

山石榴刺利水子  
山雞頭子  
杜鵑花小葉  
並名山石榴  
林檎何裏子  
亦名金櫻子  
同名而異物也

本綱金櫻子叢生於山林間大類薔薇有刺四月開白花  
夏秋結實亦有刺黃赤色形似小石榴而長核細碎而有  
毛冬熟采之熬作煎酒服寄饒人云補治有殊効



### 郁李仁

ヨツリイ

鬱李車下子  
茵李 爵李  
雀梅 棠棣  
按今云山吹花亦  
名棠棣

本綱郁李生山中木高五六尺葉花樹並似大李惟子小

若櫻桃甘酸而香其花粉紅色詩小雅云棠棣之華鄂不  
韡韡乃是也人家園圃植一種枝莖作長條花極繁密而  
多葉者不堪入藥韓二日委  
草盛見

畫譜云有粉紅雪白二種俱千葉甚可觀如紙剪簇子  
可入藥

郁李仁 甘苦 脾經氣分藥其性降故能下氣利水治浮腫



### 鼠李

チネーイ

山李子 楮李  
烏巢子 牛李  
烏槎子 皂李  
鼠梓 脾音  
苦楸亦名鼠梓  
與此不同

本綱鼠李生道路邊木高七八尺葉如李但狹而不澤其  
子於枝上四邊生時青熟則紫黑色至秋葉落子尚在  
枝又云其實成枝如穗人采其嫩者取汁刷漆綠色



鼠李子微苦

治痘瘡黑陷及出不快或觸穢氣黑陷苦

昔無知之者惟錢直訣必勝膏用之鼠李子黑熱者入

砂盆搗爛生絹挾汁用石器熬成膏收貯令透風每服

一皂子大煎桃膠湯化下如人行二十里再進一服其

瘡自然紅活入鹿射香少許尤妙如無生者以乾者為末水熬成膏也

皮苦微治大人口中疔瘡發背萬不失一鼠李根苦微

根各細切濃煎鐵盛銅器重湯煎待稠瓷器收貯每少

含嚙必瘥思醬醋油膩如發背以帛塗貼之神効

△按鼠李俗云紫高五六尺葉似於葉而畧團薄枝柔垂

四月開小花每葉間有花淺紫色結實紫色秋落葉後

其子如穗遠視之則似荻花此與本草鼠李註相當也

但所圖之形狀畧異故別出圖

面深青



裏色淺  
文理明

本草必讀



# 女貞

いねじい

貞木 冬青

蠟樹

和名太豆乃木  
又云此女豆波木  
俗云鼠乃久曹  
又云狗都波木  
又云鼠籬

本綱女貞木凌冬而青翠有貞守之操故名之因子自生

最易長其葉似冬青樹及狗骨木而厚長綠色面青背淡

長者四五寸五月開細花青白色九月實熟黑似鼠李子

而累累滿樹冬月鸚鵡喜食之木肌皆白臆立夏前後取

蠟蟲之種子裹置枝上半月其蟲化出延緣枝上造成白

蠟民間大獲其利與冬青樹同名物異

實苦温補中安五臟養精神強陰明目黑髮除百病乃上

品無毒妙藥也葉微苦除風散血消腫定痛諸惡瘡及

口舌生瘡腫脹者皆佳

△按女貞本葉似海石榴而無鋸齒故名海石榴其子



團長初青熟葉似鼠屎鸚鵡喜食之但葉長不過二寸其文理不出于端與他葉異也而本草曰長四五寸者和漢之異然乎又造成白蠟者未知然乎否



冬青

トランツイン

凍青  
俗云末左木  
言正青木也  
俗用極字  
又云玉豆波木

本綱冬青是乃如身之別種也葉圓不尖五月開細白花結子如豆大紅色但以葉微團而子赤者為冬青葉長而子黑者為女貞也冬青木肌白有文作象齒其葉堪洗緋其嫩芽燻熟水浸去苦味洗調五味可食子及木皮甘苦浸酒去風虛補益肌膚皮其葉燒灰治瘰癧滅癩痕殊効按冬青其葉冬亦正青光澤團長而不尖有軟鋸齒夏

開小白花秋結子生青熟紅自裂中有白子挿枝易活堪為藩籬長出翹楚伐猶能茂盛相傳云用葉燒灰酒服治金瘡及竹刺入肉者但不知食其嫩芽或用葉洗緋色也然乎否



狗骨

ケウクラツ

貓兒刺  
倭為紅谷樹  
和名比今良木  
俗用極字措  
於本樹之名也

本綱狗骨樹肌白如狗之骨為匣板旋盒器甚佳其葉有五刺如貓之形貓之字疑當作爪字故名貓兒刺有木蚤在葉中卷之如子羽化為蚤又曰其樹如女貞肌理甚白其葉長二三寸青翠而厚硬有五刺角四時不凋五月開細白花結實如女貞九月熟時緋紅色皮薄味甘其核有四瓣人采其木皮煎膏以粘鳥雀謂之粘糍



本草必讀曰十大功勞葉怕鼠名鼠江南人每取樹汁熬其葉似蒲扇有五角角尖有刺取其葉置鼠穴旁則鼠不敢出入故名鼠怕又取其葉焙乾研末治鼠膈病人前竟不飲食凡物食每干密地偷取食之家鼠膈病人有見者則畏而置焉肌瘦面黃俱食鼠殘物

中藥患此症服藥難效唯用此藥有奇驗云云

△按狗骨樹肌白滑堅以堪為筭珠或象戲碁子甚美亞于黃楊其大者作板可旋盒然性難長大木希也續日本紀文武帝太寶二年獻杠谷樹長八尋云是等以為希有之物其葉四時不凋厚硬有五稜如刺有雌雄其刺柔者為雌九月開小花碎白色結子小青色五月熟黑色似鼠李女貞之輩而大如小蓮子俗間立春節分夜挿枝葉於門窓添以海鯽頭為追儼之用魍魎怖其尖刺不可敢近之義乎

此云於葉有五角而實黑也繭樹葉無角而實赤也如

本草說者似一物相混不知於汁亦為繭乎



真繭 鐵繭

繭音癩 繭膠所以結鳥者 俗云止利毛知

其樹有數種

△按繭樹在深山葉大而結子者為繭佳結子者為繭少其色亦惡木葉似女貞而薄光澤雖四時不凋只二三分落葉四月五月開細白花結子正圓熟紅色大如大豆而攢生剥其木皮浸水爛春之瀝於流水去皮渣則如麩筋而甚稠粘人用粘鳥雀謂之繭膠止利毛知紀州熊野多出之江戶繭葉狹長添枝茂如楊梅之葉樣四時不凋栽庭園佳其子同于真繭而數多抱莖攢生又名朝繭黑鐵繭似江戶繭而葉畧扁其子不甚輝





### 馬醉木

阿世美  
俗云阿世保

あせみ

△按馬醉木生山谷高者二三丈小者一二尺皆枝葉茂盛其葉狹長微鋸齒淺綠色硬而橫生於枝桠九十月出花芽春開小白花作房結子亦作房一子中細子多人家窠砌植之以賞四時不凋相傳馬食此葉則醉故名

えはまけの馬酔木の葉を食しては酔ふ

急藤子科



### 吉利子樹

農政全書云吉利子樹生荒野中科條高五六尺葉似野桑葉而小又似櫻桃葉而小其枝葉間開五瓣小尖花碧玉色其心黃色結子如椒粒大兩兩並生熟則紅味甜

鬼箭 神箭

### 衛矛

和名久曾末由美  
俗云古波末由美

又云錦木



本綱衛矛生山谷平陸未嘗見也成叢春長嫩條條上四面有羽如箭羽視之若三羽爾其葉青狀似野茶對生三四月開碎花黃綠色結實大如冬青子其莖黃褐色人家多燔之遺崇削取皮羽入藥

氣味苦寒治婦人崩中下血除邪殺鬼毒消風毒腫

鬼癰日發  
鬼箭穿山甲燒灰二錢半  
局末每以一字發時噴鼻



△按衛予條四邊如箭羽其葉至秋紅葉面色如丹而青  
 赤相雜如錦故俗曰錦木結子一朶二顆尖小正紅信  
 州野州山谷有之古歌所謂錦木與此不同有與錦木  
皮棕色 淨本立多 社坊をれ多 其細而しより 因



いづきかろてん 俗稱

狗骨南天

△按近頃自賀州山中出異樹其木身皮枝狀似南天燭  
 葉亦不甚厚有南天葉樣而有五尖刺兩兩相對一朶  
 十二三葉二月開小黃花夏結實似狗骨子而黑色乃  
 狗骨與南天相半者



らんらん 南燭草木 南燭

南天燭

ナニテニキヨツ  
 惟那木 男情  
 猴菽草 牛筋  
 烏飯草 漆菽  
 墨飯草 楊桐

本綱南燭是木而似草故稱草木之王人家多植庭除間  
 此木至難長初生三四年狀若菘菜之屬亦頗似卮子二  
 三十年成大株葉不相對似山礬光滑味酸凌冬不凋枝  
 莖微紫大者高四五尺而甚肥脆易摧折也七月開小白  
 花結實成簇生青九月熟則紫色內有細子其味甘酸小  
 兒食之取汁漬米作烏飯食之健名之青精飯或云其子  
 赤如丹  
 枝葉苦酸 止泄除睡強筋益氣力久服長年令人不饑  
 子酸 強筋骨益氣力固精駐顏  
 △核南天燭俗云 盡譜名 闌天竹 其葉儼似竹生子成穗

本草綱目 卷之四 木部 南燭



紅如丹砂經久不脫植之庭中可避火災甚驗亦可入

精食  
原生山中故性惡濕糞之茶煎瘁或注米泔水亦可也  
種子能生其子朱赤色剥皮內白如大豆肉為二片未  
見紫色內有細子者近頃出子白南燭以為珍且用南  
燭葉布於饋飯以檜葉布於饅頭饋之皆以無毒也  
此樹雖難長而山陽地有大木作列土列之山有長二  
丈余太周一尺二三寸者作枕俗謂邯鄲枕邯鄲枕事見中華卷  
以希有之物稱之耳遠列一宮滿山皆南天寶盛甚美



### 五加

ウ、キヤア、

文章草追風使  
五花五佳白刺  
木骨村漆村節  
金鹽

和名無古木  
今云古木

本綱五加以為藩籬春生苗又干舊枝上抽條葉莖葉俱

青作叢赤莖高三五尺上有黑刺葉生五釵作簇者良也  
三四葉者最多為次每一葉下生一刺三四月開白花結  
青子至六月漸黑色其根若荊根皮黃黑肉白色其葉作  
蔬食去皮層風濕

五加皮 辛温 根皮也治疝氣腹痛療躄益精堅筋骨釀酒  
飲治風痺四肢攣急仙家最重之造酒用根皮去骨莖  
葉亦可也 以水煎汁和麴釀米加遠志更良遠志為使  
惡玄參  
△按五加插枝能活其根為藥者阿波丹波之產良金剛  
山之者次之



### 枸杞

クニ

地骨 枸杞 苦杞  
天精 甜菜 地仙  
枸櫞 西王母杖  
仙人杖 羊乳  
却老 和漢美久酒量  
俗云又古

本綱枸杞春生苗其莖幹高四五尺作叢此物小則刺多



大則刺少大者高丈餘其葉如石榴葉軟薄堪食六七月  
生小紫花隨結紅實形微長如棗核陝西及甘州甘州  
者子圓如櫻桃暴乾緊小少核乾亦紅潤甘美如葡萄可  
作果食異于他處者榨油點燈明目

苗葉苦甘除煩益志補五勞七傷去皮膚骨節間風消

熱毒散瘡腫作飲代茶

枸杞子甘堅筋骨耐老除風去虛勞補精氣治心病心

痛腎病消中滋腎潤肺

四神丸治腎經虛損眼病枸杞子一斤好酒分作四分

四兩用蜀椒四兩用小茴香四兩用脂麻四兩用川棟

炒揀出枸杞加熟地黃白朮白茯苓各一兩煉蜜丸服

### 地骨皮

枸杞根皮也

似物形狀者為上

氣味甘淡寒入足少陰手少陽經解有汗骨蒸肌熱瀉腎

火降肺中伏火退熱補正氣治吐血療金瘡凡下焦肝

### 腎虛熱者宜之

世人但知用黃芩黃連若寒以治上焦之火黃蘗知母  
苦寒以治下焦陰火謂之補陰降火久服致傷元氣而  
精氣充而邪火自退之妙天用惜哉

地仙丹春采枸杞葉精草夏采花生秋采子名搗冬

采根名皮並陰乾酒浸一夜晝夜待乾為末煉

蜜丸如彈丸大每早晚各用一九細嚼以百沸湯下之

但無刺味甜者宜用能除邪熱明目輕身一老人服之

壽百余年行走如飛髮及黑齒更生陽事強健

按枸杞俗起二音地骨皮豫州今治之產良阿州次之

蔓枸杞俗云久古似蔓而枝軟垂如倭連翹樣其子多而大美



### 搜疏

俗云朝鮮枸杞

本草李當之以搜疏揚櫨為二物故和名亦訛為二物



本綱澹疏樹形似楊樞樹高丈許皮白中空時時有節其  
 子八九月熟赤色似枸杞子必兩兩相對樹有刺  
 △按朝鮮枸杞枝葉花皆似枸杞而子亦如枸杞畧大八  
 九月熟赤色樹有刺而中空山中則高丈許者亦有

山楊樞

空疏

和名宇豆木



楊樞

疏通也中空

能通故名  
 見卯花者宇豆木花  
 之畧也非寅卯之卯

本綱楊樞所在皆有生籬垣間其子為菜  
 △按楊樞有數種山空木箱根空木唐空木三葉空木共  
 山中有之人植籬垣者山空木箱根空木也皆中空故  
 名空虛木凡揮之能活但樹無刺又無結赤子者  
 山宇豆木高丈許皮白肌深青心正白而中空甚堅用  
 為樽槽之榱最佳或匠人削之為木釘其葉團長末尖

四月開小白花成簇可愛俗云卯乃花是也結子狀似  
 狗椒而青黧色不熟而自凋

箱根空木 高丈許皮白中空不甚堅葉皺似粉團花之  
 葉而團尖有細齒深綠色四月開花單瓣狀如盞白與  
 赤相襍成簇花落而朶尚存青色寸許似莢箱根山多  
有之故名

唐空木 葉小於山空木花亦不美

三葉空木 葉似山空木而開四瓣白花攢簇每三葉抱  
 梗對生摘葉陰乾煎服能治膈噎此樹人家稀



壩齒花生

綿鷄兒  
 醬瓣子

農政全書云壩齒花生山野間亦人家園宅間多栽葉似



枸杞子葉而小每四葉攢生一處枝梗亦似枸杞有小刺  
 開黃花狀類雞形結小角  
 △按未識如此樹蓋雞形二字中間有冠字乎



風藥

石南

和名止比良乃木  
 俗云佐久奈無佐  
 今云止比良乃木  
 者非是出于香  
 木下

本細石南生山石間向陽之處故名其葉似枇杷葉之小  
 者而背無毛光而不皺正二月間開花冬有二葉為花苞  
 苞既開中有十五餘花大小如椿花甚細碎每一苞約彈  
 許大成一毬一花六葉一朶有七八毬淡白綠色葉末微  
 赤色花既開葉滿花但見葉不見花花纔罷去年綠葉盡  
 脫落漸生新葉也秋結細紅實  
 凡京洛河北河東山東頗少湖南江西二浙甚多

葉辭若 能添腎氣古方為治風痺腎弱要藥今人絕不  
 知用女子不可久服令思男

△按石南花和州葛城紀州高野及深山谷中有之京師  
 近處亦稀有之東北州絕無之性惡寒濕也三四月開  
 花淡紅色秋結細子紅色春舊葉未落新葉生交代也  
 竊考此非真石南花蘇萊所謂藥荆也乎  
 藥荆一名 本細其莖葉似石南乾亦反卷經冬不死葉  
 上有細黑點此與倭石南花應



牡荊

楚 黃荊 小荊  
 和名奈末呂水

本細古者刑杖以荆故字从刑又云荆楚之地因多產此  
 而名之今處處山野多之樵采為薪年久不換者其樹大



如益有青赤二種青者為荆赤者為楮嫩條皆可為首箇其木心方其枝對生一枝五葉或七葉其葉如榆葉長而尖有鋸齒五月杪間開花成穗紅紫色其子大如胡安子而有白膜皮暴之

牡荊子 苦温 除骨間寒熱通利胃氣止欬逆下氣炒焦為末飲服治心痛及婦人白帶使畏石膏


△按牡荊本朝古者有之今無  
金荊 生南方山中 大者十圍盤屈瘡疔如美錦色如真金玉人用之貴如沉檀此荊之別種也



蔓荊子  
和名波末波非  
削於濱之  
義平

本綱蔓荊子生水濱高四五尺對節生枝葉類小棘其枝小弱如蔓至夏盛茂有花作穗淡紅色葉黃白色花下有青葶至秋結子黑班大如梧子而虛輕冬則葉凋  
蔓荊子 苦微寒 治筋骨間寒熱濕痺拘攣利九竅明目堅齒頭痛腦鳴目淚出良去白膜用 惡石膏

△按蔓荊子形狀如上說但花黃色單瓣頗似木槿花與謂作穗者不同出於紀州者良播州之產次之



紫荊  
紫珠  
皮名肉紅  
又云內消  
俗云蘇方木

本綱紫荊處處有之入多種于庭院間木似黃荊而柔條其葉光緊微圓無極春開紫花甚繁細碎共作朶生出無常處或生于木身之上或附根上枝下直出花葉出



木并皮 苦寒 入血分 走骨 故能活血消腫 利小便 解毒  
△按紫荊木皮濃白色 葉微團 光澤似葎葉 而莖長三  
月有花 淡紫 畧攢大 可交粒 甚繁 其實結莢 似紫藤葉  
而小 中有細子 春種子 生植 干庭 弄之 俗呼曰蘇方木  
非真蘇方 葉實大異 蘇方見于  
喬木類



木槿

モツキン

朝開暮落花  
花奴玉蒸  
椒 藩藩草  
柳 薛 日及

俗云無久計  
木槿字音訛

本綱木槿人家多種植為籬障 小木可種可植 其木如李  
其葉末尖而無極齒 其花如小葵 小而豔 或白或粉紅 有  
單葉千葉者 五月始開 此花朝開暮歛 結實輕虛 大如指  
頭 秋深自裂 其中子如榆莢 泡桐馬兜鈴之仁 種之易  
嫩葉可茹 作飲代茶

木皮根 治腸風 瀉血痢 後熱 渴赤 白帶 下及瘡癩

脫肛 用皮或葉煎 熏洗後 花亦同功 滑而能潤 燥

△按木槿花有數品 單瓣而大者名舜英 以賞之 總木槿

花朝開 日中亦不萎 及暮凋落 翌日不再開 寔此槿花  
一日之榮也 然其花僅一瞬 故名舜英之說者非也 詩云  
有女同車 顏如舜華 者稱其艷美耳 又摘葉水少和按  
之 甚黏 用傳 牝痔痛者良

盛短 旋花 金錢花 壺盧 白粉草 牽牛花 黃蜀葵 茉莉 木芙蓉  
芙蓉 扶桑 波羅樹 棗花 皆然而 銀木花 一開即落 比此等  
花則木槿可謂耐久者矣 自昔相誤 稱朝顏矣 真朝顏  
牽牛花相謾矣

舜英 白槿 單葉 其花大 似木芙蓉 枝葉無異 或珠白槿  
花摘去葉 假用 海右 榴枝葉 儼如真海石榴花 美又能  
止瀉痢 用花陰乾 煎服 或淡未醬 煮飲





### 扶桑

ぶさうけ

佛桑 朱槿  
赤槿 日及

△按佛桑花來於琉球捕枝能活然性多寒冬難育也花正紅色無似之者惜哉

本綱扶桑產南方乃木槿別種也其樹莖葉皆如桑葉尤而厚木高四五尺而枝葉婆娑其花有紅黃白三色紅者尤貴呼曰朱槿花色五出大如蜀葵重數柔澤有蓋一條長如花葉上綴金屑日光所照疑若焰生一叢之上日開數百朵朝開暮落自五月始至中冬乃歇插樹即活



### 白槿

しらぎん

△按雖有槿名其葉花無似木槿之語

農政全書云白槿生山谷中樹高五七尺葉似茶葉而甚潤大光潤又似初生青岡葉而無花又似山格刺葉亦大開白花其花味苦



### 木芙蓉

むぎふく

地芙蓉木蓮  
華木 枕木  
拒霜

只云不也字

モツフヨシ

本綱木芙蓉插條即生小木也其幹叢生如荆高者丈許其葉大如桐有五尖及七尖者冬凋夏茂秋半始着花花類牡丹芍藥有紅者白者千葉者最耐寒不落不結實取其皮為索

添色拒霜花 木芙蓉之異種州出之其花初開時白色次日稍紅又明日則深紅先後相間如數色  
葉花微辛清肺涼血散熱解毒治一切癰疽惡瘡



清涼膏 清露散 鐵隨散

芙蓉葉

或根皮或花細末以蜜調塗于腫處四圍中間留頭乾則頻換之治癰疽發背乳癰惡瘡初起者即覺清涼痛止腫消已成者即膿聚毒出已穿者即膿出易斂

妙不可言或加生赤小豆末尤妙也

△按木芙蓉其樹葉花實皆似木槿而大艷美七月開花桃紅色或純白或紅白相半有單瓣有千瓣皆朝開暮萎每枝數朶更開逐日盛其花落結實亦如木槿輕虛有薄皮裏細子大如蒼莖冬葉盡落而實殼尚不零拒霜之名義擬此乎自裂子墮處能生揮枝亦易活然本草所謂花耐寒不落不結實之文未審



### 山茶花

左牟佐久波 字之音也 誤如日茶山茶

サシキヤア

本綱山茶花產南方高者丈許枝幹交如葉頗似茶葉而厚硬有稜中闊頭尖面綠背淡代茶可作飲故得茶名源

冬開花紅瓣黃蕊有數種 寶珠花 花簇如珠最勝 海榴茶花

串珠茶 皆粉紅花 有一捻紅千葉紅千葉白等葉各少異或

云亦有黃色者 石榴茶 花有粉紅 躑躅茶花 花如杜鵑 官粉茶花

南山茶花 出干州 大倍中國者色微淡葉薄有毛結實如梨

大如拳中有數核如肥皂子大 遵生入牋云山茶花如磬口外粉紅色者十月開二月方

已有數種 鶴頂茶花 如碗大紅如羊血 瑪瑙茶花 有黃紅白粉四色

△按山茶花其樹葉花實與海石榴同而小其葉如茶葉

其實圓長形如梨而有微毛可小梅大老則裂中有核

三四顆榨油多於海石榴凡種子者必不佳可接枝凡

山茶花冬為盛海石榴花春為盛遠列有山茶花大鉢





葉團長三寸  
幅一寸七八分

### 海石榴

椿本香而木之類  
樗椿也與海石  
榴迥異

萬葉集本朝式倭名抄  
皆用椿與海石榴訓  
豆波木其來尚矣

△按海石榴即山茶花之一類也樹葉花實似山茶花而  
大其實狀圓似無花果而老枯則殼四裂中子如海松  
子剥皮取仁榨取油謂木實油塗刀劍則不生鏽以拭  
漆器則出艷塗髮亦艷美然髮不韌和麻油為髮油佳  
但千瓣者不結實其葩厚大艷美亞于牡丹芍藥惟恨  
其萎甚醜其落亦脆耳單瓣赤者名山椿此乃本源也  
白紅粉紅紋紅或白相半八重千瓣之數種不收舉自  
秋生蒼春開花冬開者名早開人以賞之凡伐椿直木  
煖火則皮能剥肌滑也僧家以為拄杖

何氏列植行々々々其あひのそり



### 蜀茶

今云加良豆波木

蜀今四川之地  
出於此者皆佳  
如蜀椒蜀葵皆  
佳種也

五雜俎云閩中有蜀茶一種足敵牡丹其樹似山茶而大  
高者丈餘花大亦如牡丹而色皆正紅其開以二三月照  
耀園林所恨者香稍不及耳  
△按倭有唐海石榴者樹相似而葉狹長色淡不澤葉紋  
縱橫細似蹙狀其花重瓣大而正紅如牡丹所謂蜀茶  
是也但枝葉柔韌葉亦不多而大木希也  
凡本草綱目山茶花與海石榴不分別相混註之矣二物  
雖為同類葉花之厚薄大異凡生子者皆單葉名山椿  
故採枝接之或六月挿於陰地則活





くふい

黃梅花

俗云南京梅

# 蠟梅

ラツケイ

本綱蠟梅本非梅類因其與梅同時香又相近色似蜜蠟故名之小樹叢枝尖葉結實如垂鈴尖長寸餘子在其中其樹皮浸水磨黑有光米凡有三種

狗蠟梅 以子種出不經接者臘月開小花而香淡

馨口梅 經接而花疎開時含口者

檀香梅 花密而香濃色淡黃如紫檀者最佳

△按蠟梅花六出單葉似小梅花而黃色其枝柔韌遠見則彷彿倭連翹但連翹花四出而蓋形爾

農政全書云蠟梅枝條頗類李其葉似桃葉而寬大紋微麓開淡黃花味甘微苦

ウツクシノハ 隔虎刺花

# 伏牛花



本綱伏牛花生蜀地川澤中葉青細似黃蘗葉而不光整亦有刺開花淡黃色作穗似杏花而小

氣味苦甘 治風溼四肢拘攣骨肉疼痛頭痛五痔下血

みつわうふん 水錦花

# 密蒙花



本綱蜜蒙花蜀中及利州甚多樹高丈餘葉冬不凋似冬



青葉而厚背白有細毛又云不似冬青柔而不光潔不暖  
綠其花細碎數十房成一聚冬生春開微紫色  
花微寒入肝經氣血分治青盲層翳赤腫多眵淚消目  
中赤脈小兒疳氣攻眼羞明怕日良



### 木綿

古貝斑枝花  
攀枝花 俗  
暖婆 梵書  
迦羅婆劫 同  
今云彼牟夜

本綱有木綿草綿二種草綿詳干木名古貝樹交州廣州  
等南方有之高過屋大如抱其枝偃桐其葉大如胡桃葉  
入秋開花紅如山茶花黃葉花片極厚為房甚繁短側相  
比結實大如拳實中有白綿綿中有子今人謂之斑枝花  
即木綿也可為縑絮又抽其緒紡為布  
又云南方諸蠻不養蠶惟有波羅木高三五丈結子子中

有白絮紐為絲織為幅名娑羅籠段或為白氈兜羅縠  
此亦古貝之類各方稱呼不同耳  
△按斑枝花暹羅交趾柬埔寨等將來之如紡絲不知古  
終之佳也惟為枕及褥中絮甚佳人每座臥雖接厭之  
隨復脹起



### 柞

音 柞  
和名由之  
斲金于木  
椽櫟亦名柞  
同名異種也

本綱柞山中有之高者丈餘葉小而細齒光滑而軟其  
木及葉了皆有針刺經冬不凋五月開碎白花不結子其  
木心理皆白色堅忍可為鑿柄故名之又今作梳者是也





### 黃楊木

ハフンヤンモツ 言不為櫛也

附 狗黃楊

和名豆介

本綱黃楊木生山野中人家多栽插之枝葉橫簇上從葉似初生槐芽而青厚不花不實四時不凋其性難長俗說歲長一寸遇閏則退今試之但聞年不長耳其木堅臧作梳刺印最良世重黃楊以其無火也用水試之沉則無火凡取此木必以陰晦夜無一星伐之則不裂葉苦平治婦人難產入達生散中用

△按黃楊木葉似槐葉而小又似白丁香花木葉而四時不凋無花實其木心色黃白材堅剝印作櫛或為象戲棋子佳琉球及屋久島之產最良豆州之者次之

狗黃楊 葉比真黃楊木厚色亦深綠七月結實狀大如山椒青色冬熟正黑色人家多栽之四時不凋其美比于松柏但葉淡青無實為真黃楊如雌與雄然不載於本草者中華無之乎




### 賣子木

和名 加波知佐乃木 俗云知左乃木

本綱賣子木生嶺南山谷中木高五七尺徑寸許春生嫩枝條葉似桤而尖長一二寸俱青綠色枝稍淡紫色四五片開碎花百十枝圍攢作大朶焦紅色隨花便生子如椒目在花瓣中黑而光潔每株花裁三五大朶爾氣味鹹微治折傷血內溜續絕補骨髓止痛



△按賣子木今謂知佐乃木者與此形狀大異  
 知佐乃木處處山中有最丹波多之高者二三丈徑一  
 二尺皮粉青白色老則淺褐色中心白其葉似梅嫌木  
 葉而尖長二寸許面青背淡冬凋春生三四月開花不  
 碎而小白單瓣似野梅花而氣稍長垂不作大氣但每  
 二三攢生耳結實狀如小蓮子初青後黑殼堅肉白色  
 山雀喜食之其材稠堅堪作枵杖又作傘之輓輓伐樹  
 則嫩蘗生於株易長採之作箕之緣



笏樹

農政全書云笏樹生山谷中高丈餘葉似槐葉而大却頗

軟薄又似檀樹葉而薄小開淡紅色花結子如菜豆大熟  
 則黃茶褐色其葉味甜



木天蓼

モツテシロヤウ

木天蓼  
 小天蓼  
 藤天蓼  
 有三種 功用  
 和名和太々比  
 俗云末太々比

本綱木天蓼生山谷中高二三丈如冬青不凋三四月開  
 花似柘花五月采子子作毬形似繸麻子可藏作果食又  
 為燭明如胡麻 小夫蓼樹如卮子冬月不凋野獸食之



藤天蓼

有三種中其  
 木天蓼小夫  
 蓼之二品不  
 多有



本綱藤天蓼生江南淮南山中作藤蔓葉似柘花白子如棗許無定形中飄似茄子味辛噉之以當薑蓼

枝葉辛溫有毒治癥結積聚風勞虛冷  
子微苦辛熱治賊風口面喎斜氣塊女子虛勞

△按藤天蓼備中伊豫遠州和州丹波山中多有之今人家亦植之其蔓蒼黑葉似柘及櫻桃葉而皺三四月開小白花狀似梅花而小結實但有雌雄雌者實狀如五倍子而青色雄者實狀如棗人採其嫩葉合酸未醬食之猶常喜食之如視此樹則拋穿根食皮為之枯凡病猶食天蓼子起也人亦鹽漬食之



接骨木

續骨木  
木蒴藿  
和名美夜都古木  
俗云亦波止古

ツボククラツモツ

本綱接骨木高一二丈許木體輕虛無心斫枝打之便生其花葉都類蒴藿陸英水芹葦此木乃有折傷續筋骨之功故名之

氣味甘苦折傷續筋骨除風痺齟齬可作浴湯  
△按接骨木人家藩籬植之三四月開小白花攢生作朶經年者結子攢簇赤俗用此木削小柞用接積聚疝塊



槭木

カシノ  
正字未詳

△按槭木高五六尺葉似蒲萄葉而尖不皺四月開花每莖七朶五瓣小白花攢生似紫陽花秋結子挿枝活氣味甘苦折傷續筋骨之功與接骨木同取莖葉煎服





大空

獨空

タア、コシ

本綱大空生山谷中小樹其葉似桐葉而不尖深綠而皺  
文其根皮赤色屈軟山人采作末昔有和油塗髮殺蟻虱  
極妙又搗葉篩疏圍中殺虫



据

靈壽木  
扶老杖

コビリ  
居音

和名閉美  
俗云玉臼保大  
又云藪粉團花  
又云以保大

本綱据生山谷其木似行有節圓長皮紫長不過八九尺

圍三四寸自然有合枝制不須削理作杖令人延年益壽  
詩疏云据即攢也節中腫即今靈壽木也作杖及馬鞭漢  
書云孔光羊老賜靈壽杖者是也

按据丹波山谷有之高者七八尺徑寸許直上如竹嫩  
木皮微紫色着葉處有節其間二三寸或四五寸中心  
有微孔經年者堅實而堪為杖葉團尖有鋸齒皺文似  
粉團花葉三四月開小白花攢生亦似粉團花而小疎  
以按粉團花枝詩大雅云其楛其据攘之剔之之据者  
即是也



粉團花

綉毬 玉繡花  
天末利

道成八牋及畫譜云有二種 麻葉花開小而色邊紫者



為最 白粉團即綉毬也宜種牡丹臺處與牡丹同開為  
 觀色甚佳俱用八仙花種於盆內削去半邊架起就接  
 三才圖會云繡毬花甚繁簇成如毬故以名用八仙花接  
 故枝易生

△按粉團花木高五七尺葉似箱根楊櫨而團皺文四月  
 開花初淡青色後正白小花攢簇團二三寸如毬可分  
 種可插枝未見接成者也紫陽花亦名紫綉毬與此不  
 同紫陽花 草之屬 粉團花 木之屬



山牡丹

ヤマギン 名義未考  
 正字未詳

△按山牡丹高五七尺枝婆婆葉不繁其葉似桑葉而團  
 亦似粉團花葉而色淺有鋸齒皺文夏開小白花畧似

南天花秋結子為簇亦如南天子而房短落葉子尚存  
與曾曾女 正字 未考 木枝葉皆似山牡丹而唯其子房小於  
 山牡丹耳二物共關東多有而畿內希有之

小粉團花

こてりり 俗云小毬花

△按小粉團花木高四五尺葉狹長似棠花葉其花形  
 似粉團花而小白其大不過於寸半許



笑靨花

まめぢれ 俗云蜆花





導成八歲云笑靨花其花細如豆一條千花至見若堆雪然無子可種根窠叢生茂者數十條以原根劈作數塚分種易活

△按笑靨花之名義難解高三四尺小木叢生其葉團長微皺似櫻桃葉三月開小白花形如蜆肉一條數千



### 靨花

あめをれ

正字未詳

俗稱

古々女波奈

△按靨花小樹叢生高三四尺葉狹長薄有縱理二三月開白花大可錢如蒸糯故俗呼名小米花又似胡蘿蔔花而圓匾小者也



### 錦帶花

まげん

俗云紫元枝

本本花詩譜云其花開蓓蘂可愛形如小鈴色粉紅而嬌植之屏籬可折以玩

蓓蘂始華也又花纒也蘂字乃蕾之訛者乎

△按一種高五六尺樹皮微淡紫枝多其葉似山黃揚葉而薄其花蓓蘂狀如丁香淡紫色挿之能活俗呼名紫元枝者此錦帶花歟但葉之形與圖不合耳



### 虎茨

こぶ



畫譜云虎茨產杭州蕭山白花紅字性甚堅雖嚴冬厚雪不能敗也畏日色百年者止高二三尺不甚易活



金雀花

らんきくく

畫譜云春初開黃花甚可惡儼如飛雀且可采以滾湯着鹽焯過作茶供一品



八手木

やはてのき 正字未詳 也豆天乃木

△接八手木叢生一朶八葉形畧如軍配團扇五六月開小白花作簇上平而亦異常



列珠樹

きだまの木 正字未詳 俗云 禮大夫乃木

△接列珠樹高丈許梢出細氣條綠色畧似鳧莖其葉細小四月開黃花狀微似綠豆花而繁結莢亦似綠豆



梅嫌木

むめいぎ 正字未詳 俗云 五年女毛止散

△接梅嫌木葉圓尖有微小鋸齒似野梅葉而小冬凋春



芽生五月開小白花畧似南天花結子初青色十月葉落子紅熟漆枝幹多美鴨鳥喜食之  
一種子白者亦有之以異為珍然不如赤者



瓢樹

ひんのも

正字未詳

俗名與牟乃木其木名伊須

按其木葉並似如貞而厚狹長色微淡三四月開細小花深赤色結實大如豆自裂中子細小黑色別其葉面如子者脹出中有小蟲化出殼有孔口吹去塵埃為空虛大者如桃李其文理如檳榔子人用收胡椒秦椒等未以代匏瓢故俗曰瓢木或小兒戲吹之為笛駿州多有之祭禮吹此笛供奉于神輿四國九州多有之斫木為薪木心白微赤日乾者全赤堅硬為薪之上品

一種 有唐此與無乃木者花葉無異但葉小耳



珊瑚樹

まじりのき

正字未詳

按珊瑚樹易長高一二丈枝葉甚茂成爲庭院之飾葉長四五寸微似平地木葉三四月細小花白色作簇結子似冬青子而赤  
權萃 正考木葉子共似珊瑚樹而房稍長關東多有



榭

字倭

坂樹 日本細  
賢木 本朝云  
龍眼木 漢語  
和名佐加岐  
正字未詳



△按楠本朝神社必用之木猶以屠用木蜜其木葉似木  
 蜜而葉小色深青無香四時不凋開小白花結子生青  
 熟紅  
 日本紀云有八百万神取天香久山坂樹祈於天窟戸之  
 事以來為神之綠木



杉  
 零音

和名北佐加木  
 俗云比佐个木  
 訛云比波个古

倭名抄云杉似荆可作漆灰者也  
 △按杉木高二三尺葉畧似茶葉而狹長有鋸齒開花最  
 細小淡白甚臭隨結實生於葉本衣每二顆細小黑色  
 其木葉為灰漆家必用之灰汁也蓋此非楠之屬山谷  
 巖石間多有之畧似楠而矮故和名之



山橘

藪柑子  
 正字未詳

やぶかり

夜不加字之

△按山橘巖壑石間有之高不盈尺葉似茶葉而色淺莖  
 紫色花實似仙靈木而只二三顆攢生深赤色今俗小  
 兒髮結初時用此莖葉為髮及銚子飾以四時不凋為  
 嘉祝乎  
 我名をよひしははるの山橘れまよひ



平地木

俗云唐橘  
 又云之々久和須

小青樹  
 通仙木

草本花詩譜云平地木高一尺余葉深綠子紅甚若棠梨



下綴且托根多在甌蘭之傍巖空幽處似更可佳

△按平地木深山陰處有之大抵六七寸高者至三四尺葉似珊瑚樹葉而長五六寸四五月開小白花六七月結子五六顆攢生正紅色性怖日亦惡霜雪鼠喜食之人栽盆中翌年秋復青色後如舊若橙重歲也然三月宜摘子新花實繁美種子易生

わとこ

正字未詳

### 青木

俗云阿平木波



△按其樹叢生高五七尺葉似櫛葉而厚潤有大鋸齒莖太而不勁四時不凋俗呼曰青木葉植庭院賞之但有凋葉相襍則正黑如燒焦者四月有小花紫黯色形色不堪玩結子如小棗秋月赤熟瘍醫採莖葉入膏藥用

又以葉陰乾和油傳小兒頭面草瘡一種有葉無鋸齒及皺文者

からいせ

正字未詳

### 夏黃櫨



△按夏黃櫨木高二三尺似波世漆葉而小秋紅葉可愛結子色赤黑山人食之味酸甘

よひまり

本名未詳

### 伊比桐

葉似桐類而非桐屬



△按伊比桐高丈許葉似葵盛茂而畧長春開小白花秋

和漢三才圖會 卷之四 三十四



結子作房如南天子而大正赤內有黑細子阿列和列  
山中育之移栽庭園甚美也然人家希見之



### 讓葉木

由豆利葉  
枕草紙云  
櫟俗字

△桉木高五七尺樹葉茂盛畧似珊瑚樹葉而大色稍淺  
葉莖赤開小白花似柚柑花結子淺黑色大如小豆中  
有仁新葉既生舊葉落如父子相讓故俗呼曰讓葉都  
鄙正月鏡養及門戶之飾用亦取相續之義

### 計羅

正字灌木而枝葉頗似弓絃葉其子赤攢生  
如南天子而顆大植庭園賞之俗云犬枇杷  
即夷果部天仙果也



### 三杈木

正字未詳

△桉三杈木高丈許枝極皆三叉而葉似水楊葉開小黃  
花作房



### 百日紅

怕痒樹  
紫薇花

△桉樹似柘榴木而無皮葉似夏黃櫨而冬凋落七月初  
至九月有花淺紫紅色映山谷故名百日紅隨結子積  
簇不熟而凋插其枝能活



猴刺脫

### 猿滑

俗云左留須倍利



△按樹葉同百日紅而葉畧厚四時不凋未見花實其樹  
 無皮甚滑而猴猿亦不得登故呼名猴滑與百日紅一  
 類二種也百日紅冬葉凋有花二本同稠堅酒家用為  
 榨木



### 加豆於之美

俗云正字未詳

△按加豆於之美樹葉似百日紅秋冬葉落而後枝極正

紅色甚美可愛春月嫩芽亦赤光澤也植人家者不如  
 山中者色其老木無皮木心白色堅洙黃色偽黃楊木  
 豫州多有之



### 山茶科

俗云利也宇布  
名義未詳

農政全書云山茶科生田野中高四五尺枝梗灰白色葉  
 似皂莢葉而團又似槐葉而團四五葉攢生一處葉甚稠  
 密味苦做茶煮飲

△按山茶科俗云料蒲是乎生山野中丹波多有之高五  
 七尺木皮灰白色密理其葉似茶及櫻嫩葉而柔有細  
 鋸齒五七葉攢生枝端形如單瓣菊花樣二三月小白  
 花開於葉間不結實四月摘嫩葉漑食或和飯或和豆




醫味甘能治瀉痢補脾胃蓋出處與葉形有少異耳



械樹

械子木  
字彙云械木  
可作大車輹


農政全書云械樹生山谷間木高一二丈其葉狀類野葡萄葉而五葉尖反亦似錦花葉而薄小色淡黃綠開白花葉味甜



臭蕪

農政全書云臭蕪生山谷中高四五尺葉似金銀花葉而

尖觚五葉橫生如一葉開花白色其葉味甜



白丁花

花白而微有丁香之氣故俗名之

俗稱

△按白丁花小樹高二三尺枝莖勁葉似狗黃楊葉四月開小白花大三分許一種有千葉者折枝莖寸寸插之能活叢生為墻籬除限人家檐滴下直之




鼠取樹

俗稱 枉字

△按鼠取樹遠列竹林中多有之高一尺許如山橘樣而



葉似引絃葉長三四寸背莖有細刺觸之入刺入皮膚  
 難脫不知何因名鼠取乎蓋楠葉用覆置天井上則鼠  
 不敢走若栗栳能避天井鼠之類爾秋結赤實大二倍  
 似山橘實余國此樹未有矣



和漢三才圖會卷第八十五

寓木類

附苞木類

即竹之類也



茯苓

ぐくろ

伏靈 伏兔

不死麩 松腴

抱根者

名伏神

唐音  
ホツリン

本綱茯苓出大松下附根而生無苗葉花實作塊如拳在  
 上底大者至數斤有赤白二種或云松脂變成或云假松  
 氣而生今見之古松久為人斬伐其枯折槎栴枝葉不復  
 上生者謂之茯苓撥即于四面丈餘地內以鐵頭錐刺地  
 如有茯苓則錐固不可拔乃掘取之其撥大者茯苓亦大  
 皆自作塊不附着根其抱根面輕虛者為伏神則假氣生

和漢三才圖會

卷八十四

三十八



者外皮黑而細皺內堅白形如鳥獸龜鱉者其性無朽性埋地中三十年猶色理無異也下有茯苓則上有靈氣如

絲之形  
茯苓味甘淡入血分其用有五利小便也開腠理也生津液也除虛熱也四止瀉也五但陰虛者可斟酌

雖利小便不走氣淡滲之藥俱皆上行而後下降非直下行也惡白斂畏地榆忌米醋及酸物

茯苓皮抱根者也治風眩驚悸多志怒善忘開心益智安魂魄

△按倭之茯苓處處皆多防州土州讚州豫州及和州吉野紀州熊野皆佳最松下有而草山亦有掘葛藤者時

得之有茯苓中抱藤根者謂之蕨茯苓赤茯苓真者難多得也多外白內赤此未乾者收櫃故變色然耳皆輕虛者不也今藥肆去皮切片以販之



### 琥珀

江珠

梵書名阿濕摩揭婆  
虎死則精魄入地化為石琥珀狀似之故謂虎魄俗作琥珀

本綱琥珀是松樹枝節榮盛時為炎白所灼流脂出樹身

外日漸厚大因墮土中津潤歲久為土所滲泄而先瑩之體獨存今尚有粘性故以手心摩熱能拾芥芥者耳木草也

虫蟻有干中者乃未入土時所粘也楓脂入地千年變為琥珀不獨松脂變也或茯苓千年化琥珀之說誤傳也伏

苓生干陰而成干陽琥珀生干陽成干陰二物皆自松出而所稟各異其類有數種西戎之產色差淡而明徹南方

之產色淡而重濁彼土人多碾為物形出高麗倭國者色深紅有蜂蟻松枝者佳  
紅松脂如琥珀而只濁大脆文橫者  
水珀多無紅色

本草綱目卷之十五



如淺黃多皺文。石珀如石，重，色黃不堪用。花珀文似新馬尾，松心文一路赤，一路黃。物象珀其內自有物命。璧珀即是衆珀之長也。蠟珀色黃而明瑩者也。香珀有香氣者也。琥珀味甘平。定魂魄，消瘀血，通五淋，明目，合金瘡，能通小便。若血少不利者，不可用，反致其燥急之苦。

五雜俎云：琥珀謂松楓之精液，多年所化，恐皆未必。然中國松楓二木不之何處得有琥珀，而夷國產琥珀者，此自天地所生。一種珍寶，又如水晶云：千年老水所化，果爾則宜出於北方，沅寒之地，而南方無冰，却有水精，可知其說之無稽矣。琥珀血珀為上，金珀次之，蠟珀最下。人以拾芥為真者，亦非也。偽者傳之以藥其拾芥捷。

△按琥珀出於雲南之永昌，又自阿蘭陀用琥珀作物形，或琥珀油等，將來也。今有金珀、銀珀、蠟珀三種，以色名之。而中華本朝共琥珀未嘗有之。謝肇成之辨可也。然時珍所謂倭國琥珀深紅者，甚非也。倭薰陸能相似而吸塵，或有夾蜂蟻者，故以為琥珀，平但薰火試之，真者有香氣，薰陸有微臭氣。



### 猪苓

猓猪屎，豕橐地烏桃。

本綱猪苓生山谷，是木之餘氣所結，如松之餘氣結茯苓之義。他木皆有楓木為多耳。其皮黑，色肉白，而實者佳。削去皮，用其塊，黑似猪屎，故名。古者屎與肉赤黑者不可用。猪苓甘平，升而微降，與茯苓同。治痰癰，利水道，解傷寒，温疫。大熱及汗能除温，如無濕證者，勿服之。又久服必損腎氣，昏人目。





# 雷丸

らんごん

雷實

雷矢

竹苓

苓矢果三字古通用

ルイワ

本綱雷丸今出於房州金州山谷及土中竹之苓也無有苗蔓葉大小如栗狀如猪苓而圓皮黑肉白甚堅實其赤者有毒殺入雷斧雷楔皆霹靂擊物精氣所化而此亦殺蟲逐邪猶雷之丸也故名雷丸

雷丸苦寒有毒

殺三蟲逐毒氣除小兒百病主癩癩狂走

久服令人陰痿

逐齋閑覽云有人每發語腹中有小聲應之漸聲大有道士曰此應聲虫也但讀本草取不應者治之讀至雷丸不應遂頓服數粒而愈

△按猪苓

氣所結也

雷丸

新發餘

二物共未知必其然也

而猪苓自廣東南京福州每年將來凡至一二千斤

雷丸自處處唐船及咬啣吧船所將來凡至五六百斤

價亦賤然則中華外國共有之不珍物也明焉然日本

朝鮮共竹不少而雷丸無出是亦與琥珀之辨同矣

藥肆以大風子油呼雷丸油販之誤也故今禁誤稱



# 桑寄生

寄屑 寓木 宛童 葛

久和乃也止里木

本綱凡物寄寓他木而生在樹為寄生在地為竇竅其高者二三尺其根在枝節之內其葉圓而微尖厚而柔而青而光澤背淡紫有茸四月花白色其子黃色大如小豆子汁稠粘者良也但生桑樹上者佳他木寄生恐反有害此

和漢三才圖會

廣雅

卷之三

三



物若以為鳥食物子落枝節間感氣而生則麥當生麥穀當生穀不當生此一物也自是感造化之氣別是一物也惟取桑上者是假其氣爾第以難得真者頂自米或連桑米者佳以銅刀和根枝莖葉剉勿見火

桑寄生苦鹹 治腰痛癰腫安胎去產後餘疾主金瘡

△按嫩樹無寄生而養蠶之地老桑亦少故真者難得唯隱岐及肥前五島有之俗以為中風要藥貴之



占斯 くさのみれ 炭皮良無極


本綱占斯樟樹上寄生樹大結枝在肌肉其木皮狀如厚朴色似桂白其理一縱一橫今市人以胡桃皮為之非真

占斯 治血癥日閉令女人有子治小兒臂不能行又能治癰腫諸惡瘡

木占斯散 治發背腸癰疽痔婦人乳癰諸產癥瘕無有不療服之腫去痛止膿消已潰者便早愈也

占斯 甘草 厚朴 細辛 桔梗 防風 乾薑 人參 桔梗 敗醬 各一兩為散酒服方寸匕晝七夜四以多為善

此藥入咽當覺流入瘡中令化為水也癰疽灸不發敗壞者尤可服之內癰在上者當吐膿血在下者當下膿血其瘡未壞及長服者去敗醬一方加桂心



紫稍花

本綱孫光憲北夢瑣言云海上人言龍每生二卵一為

如巖三竹鬪會

寫

五

五



串狀如頭龜多與鹿游或于水邊遺瀝值流槎則粘着木  
枝如蒲蘆狀其色微青黃復似灰色號紫稍花  
陳自明婦人良方云紫稍花生湖澤中乃魚蝦生涎干竹  
木之上狀如糖撒去木用之

時珍曰二說不同近時房中諸術多用紫稍花皆得  
于湖澤其色灰白而輕鬆恐非真者當以孫說為正

紫稍花 益陽秘精療陰痿遺精白濁  
△按紫稍花江州岳湖中亦有之狀如蒲蘆而小褐色蓋  
合于陳氏之說今用者多此也褐即黃黑色近于紫則  
紫稍花名應之 又出于龍下

附 苞木類



竹

竹字象形 和石多計  
篁 竹叢也 和石大加無良

本綱竹不剛不柔非草非木大抵皆土中苞笋各以時而  
出旬日落籜而成竹也莖有節節有枝枝有節節有葉葉  
必三之枝必兩之根下之枝一為雄二為雌雌者生笋其  
根鞭喜行東南以五月十三日為葬日或以辰此日栽竹  
能茂盛也六十年一花花結實其竹則枯竹枯曰箬竹實  
曰篔簹小曰篠大曰蕩其中皆虛其外皆圓其性或柔或勁  
或滑或澁其幹或長或短或巨或細其色有青有黃有白

竹葉 竹葉 竹葉



實心竹出滇廣

方竹出川蜀

暴節竹出蜀中

何郎箴竹也

無節竹出漆州

空心直上

印通竹也

竹出荆南

一尺數節

笛竹出吳楚

一節尺餘

實管竹

出南廣

一節近丈

由吾竹出

交廣

長三四丈

其肉薄可

作屋柱

富竹大至

數圍其肉厚

可為梁棟

漢竹出雲

南永昌

可為扁斛

五雜組云

羅浮巨竹圍二十

尺有二十九節節長二丈

為舟船

以五雜組云

舟船以五雜組云

凡竹譜所謂竹六十一種

不悉載之而入藥

篁竹 性堅 促節體圓而質黝皮白如霜大者宜刺船

細者可為笛

淡竹 味甘竹也似篁而茂

有白有紫其皆味苦

苦竹

五雜組云栽竹特不限竹

十二月十一日皆可栽

大要不傷其根多斫枝梢

使風不

搖雨後移之土濕易活

竹太盛密則宜艾之

不然則開花

而逾年盡死亦猶人之瘟疫也

△接竹諸草中長高故名

多計本朝亦有數種而今唯淡

竹苦竹及紫竹筱竹多有之

其他植庭院以為弄耳

苦竹 真籜竹和名如

本朝式為河竹其筍籜紫斑味

苦辛其竹色青節間不促

大者周一尺六寸長六七丈

一種苦竹生瘦地者大者

三四寸長二丈許節高溝

深以為墻篋或染家為晒布帛

之柵名茂架籬

淡竹 俗云波

其筍籜白味淡甘其竹亦色白

節間促於苦竹大者四五寸

長二三丈

此內亦有

篁竹亦淡竹之種類乎未知何竹也

其苦竹出州

嶢嶢豆

州大島和州內山遠列

瑞雲寺豐列筑列皆佳

信州木

曾山谷絕無之凡北國少

知莫三才圖會

卷八十五

竹

六



有赤方烏有紫有班

實心竹出滇廣

方竹出川蜀

暴節竹出蜀中節節礪

研即筴竹也

無節竹出漆州空心直上即通竹也

筴竹

竹出荆南一尺數節

計竹出吳楚一節尺餘

實筴竹

出南廣一節近丈

由吾竹出交廣長三四丈其肉薄可

作屋柱

當竹大至數圍其肉厚可為梁棟

漢竹出雲

南永昌可為桶斛

五雜組云羅浮巨竹圍二十

筴竹可

為舟船

五雜組云舜林中竹可為船楫人

凡竹譜所謂竹六十一種不悉載之而入藥惟用筴竹

淡竹苦竹三種

淡竹為上

筴竹

性堅從節體圓而質鞣皮白如霜大者宜刺船

細者可為篋

淡竹

即甘竹也似筴而茂

苦竹

有白有紫其皆味苦

仲夏

五雜組云栽竹特不限竹時日正月一日二月三日直

種雨後移之土濕易活竹太盛密則宜芟之不然則開花

而逾年盡死亦猶人之瘟疫也

△按竹諸草中長高故名多計本朝亦有數種而今唯淡

竹苦竹及紫竹筱竹多有之其他植庭院以為弄耳

苦竹

真籜竹和名如本朝式為河竹其筴籜紫斑味

苦辛其竹色青節間不促大者周一尺六寸長六七丈

一種苦竹生瘦地者大者三四寸長二丈許節高溝深以

為墻篋或染家為晒布帛之柵名茂籜籜上畧曰

淡竹

白竹知俗云波其筴籜白味淡甘其竹亦色白節

間促於苦竹大者四五寸長二三丈

此內亦有

筴竹亦淡竹之種類乎未知何竹也其苦竹山州嶺嶼豆

州大島和州內山遠列瑞雲寺豐列筑列皆佳信州木

曾山谷絕無之凡北國少

和漢三才圖會

筴竹

卷之八十五

竹



凡斫竹秋為勝冬次之如春夏性萌弱而易蛀俗謂木六  
竹八言伐木六月伐竹八月可也  
凡栽竹根埋死種則良畏皂刺油麻又忌滑海藻以煮汁  
注根則多枯  
凡竹作材用時以鰻鱧魚炙薰竹則經年不蛀

### 竹瀝

可用淡竹若竹不  
宜用也

本綱竹瀝甘大  
寒治暴中風宵中大熱煩悶中風不語痰  
在經絡四肢及皮裏膜外非此不達不行薑汁為  
之使產後不  
得虛胎前不損子大抵因風火燥熱而有痰者宜之  
取瀝法以竹作二尺長劈開以磚兩片對立架竹於上  
以火炙出其瀝以盤承之  
若寒濕胃虛腸滑之  
人服之則反傷腸胃

### 竹葉

淡竹葉

草有淡竹葉者  
同名異物也

淡竹葉辛苦  
寒除新久風邪之煩熱止喘促氣勝之上衝  
煎湯洗脫肛不收同根煎洗婦人子宮下脫

### 竹茹

俗云竹其層

可用淡竹削去筠取用皮肉間

氣味甘微治嘔吐吐血鼻衄五痔隔噎傷寒勞復婦人

胎動小兒熱癩

△按用竹茹細斜繩為火繩以為行人煙草火獵人為鳥  
銃之用勢列鈐鹿關作之者多

### 竹實

獲

俗云自然穀

本綱今竹間時見開花小白如棗花亦結實如小麥子無  
氣味而澆可為飯食謂之竹米以為荒年之兆其竹即死  
必非鸞鳳所食者

口樂三竹類

蘇林竹

蘇林竹

蘇林竹



一種有生苦竹枝上者大如雞子竹葉層層包之其味  
勝蜜有大毒須以灰汁煮二度煉訖乃茹食煉不熟則  
戟人喉出血半爪盡脫也是此一物恐與竹米之竹實  
不同

古今醫統云竹多年則生米而死初見一根生米則截去  
上梢近地三尺通去節灌入犬糞則餘竹不生米也  
△按草實有自然穀者如麥也竹實相似之故俗名自然  
穀乎天和壬戌之春紀州熊野及吉野山中竹多結實  
其竹高不過四五尺枝細而皆小穠其實如小麥一房  
數十顆山人每家收數十斛以為食餌至翌年春夏然  
大資荒年飢而後五穀豐饒米粟價減半予亦直見之  
然則荒年極當為豐年之時出乎

### 仙人杖

草有名仙人杖者  
枸杞亦同名異物

本綱凡筍欲成竹時立死者色黑如漆五六月收之

### 筍

氣味鹹冷 治嘔噦反胃吐乳水者服之小兒驚癇及夜  
啼置身伴睡良又燒末服之  
出柔滑菜下

### 竹筍斑點法

神仙巧法云礪砂一錢青鹽五分五倍子  
細末各用陳醋調隨意點在竹子上用火炙乾即現黑  
斑其効立見點假棕竹亦是用此藥

### 箨

音託 筍皮 太介乃古乃加波

△按箨可以織履可以縫笠又堪裹膠節淡竹箨淡赤乾  
色若竹箨黃有黑點潤色山城嗟峨為上丹波次之若  
狹豐後又次之筑前安藝其次也

### 竹黃

竹膏 天竺黃

本綱竹黃諸竹內所生如蒼土着竹成片者往往得之今



人多燒諸骨及葛粉等雜之  
氣味甘寒 治小兒驚風天疳去諸風熱鎮心明目療登

瘡治中風失音不語小兒容疥癩疾

△按天竹黃即諸竹三四月斫者經日破裂之內多有天

竹黃蓋濕熱熾於內暑熱蒸於外自生性然乎未見蟲  
形黃粉輕虛者也藥肆取破竹外節所有黃粉充竹黃

不可用

一種有竹姓尿古竹生蠹者內肌食盡有小孔腐爛而生  
白粉此與天竹黃一物異品也瘡腐膿爛者傳之愈




### 箬竹

初來於吳國而名  
之乎又有漢竹唐  
竹等皆異品也

文字集略云箬竹似篋而節茂葉滋者也吉田兼好云吳

竹葉細河竹葉闊

△按箬音實中竹也本草無箬竹者今據倭名抄則淡竹  
之類小細黃潤長不過尺人多植庭院可以為杖或為  
格子櫃子佳



### 暴節竹

虎攢竹俗

本綱暴節竹出蜀中吟收高節礪礪即箬竹也

△按出於日向佐渡原有名虎攢竹者高五六尺其葉小  
自根上一尺許間有節七八數礪礪甚奇也即箬竹良  
恨稍瘦細性不勁是所謂暴節竹乎  
礪本作為礪礪  
石貌也礪當作礪





百葉竹

ひやくえふちく

本綱百葉竹、一枝百葉

△按一枝百葉竹未知有也否今折下枝葉及中心稍頂上一處遺枝葉則葉甚茂盛如一枝百葉作成者也



銀明竹

ぎんめいしゆく

紗地竹

△按俗云銀明竹者筠色白惟溝中綠色甚美也橋則綠

變一如尋常竹

一種有金明竹外黃溝中綠色

きんめいしゆく



雙岐竹

五雜俎云武夷城高巖寺後有竹本出土一尺許分兩岐直上此亦從來未見之種 五行志云太平興國寺亦有△按攝州天主寺有之淡竹之二岐者處處亦有

長節間竹



枝竹

えだしゆく

女子竹

柔軟狀似婦女故名之



按筱小竹也和名篠同俗云竹高六七尺間二十許  
葉深青色節不隆其籜白色脆而難脫節間長其筍味  
甚苦硬不可食其竹節際有白粉如濕熱甚浸則愈多  
變黃色人取充天竹黃可辨也其竹民家用為大并  
壁骨管笙骨本草蘇頌曰肉薄節間有粉者此竹矣

大妙竹

狀似長節竹而大周三寸許葉亦大也可作笛

業平竹

似長節竹而葉似苦竹葉者名之中將業平之

容貌人以爲女而男也此竹擬之名乎



虎彪竹

俗稱

△按虎彪竹出於豐後燒之嵩筱竹之類而竹黃白皮  
黑斑文微似虎皮之紋故名之用爲筵爲簞佳



鳳尾竹

鳳凰竹俗  
孟宗竹俗

本綱鳳尾竹葉細三分

△按此俗云鳳凰竹也筱竹之類而高不過五六尺葉細  
三分許甚茂竹太如筋及箭筈而肉厚今年生者葉亦  
竹畧肥大舊年者却瘦細九州平戶多有之其筍冬月  
生故俗呼曰孟宗竹  
吳孟宗之母冬好筍天感孝也雪中生筍取令吃之此  
竹雖非其種唯以冬生好事者名之此筍最細長甚苦  
不可食



和名抄云篠細細竹也  
△按箭筈竹葉大於馬篠而竹似鳳尾竹節間長肉最厚  
硬用作箭筈甚佳也出於肥州大村字書云筈美竹名  
可爲矢者是也



筈竹  
和名乃  
筈音  
箭

△按箭筈竹葉大於馬篠而竹似鳳尾竹節間長肉最厚  
硬用作箭筈甚佳也出於肥州大村字書云筈美竹名  
可爲矢者是也



和名抄云篠細細竹也  
△按篠叢生如草俗用笹字出處未詳凡篠有數種

篠  
和名之乃  
一云佐々

馬篠 俗云久葉大一枝六七葉其大者尺許廣二寸至  
秋出縱文點黃白色甚美本草所謂龍公竹葉若芭蕉  
者恐此類矣

兒篠 知古高尺許葉最細長八九枚生於頂上有白縱  
理如線青白相交甚可愛本草所謂龍絲竹指此等乎  
燒葉篠 夜木波高不過尺葉端周如枯焦故名之  
五枚篠 五末伊高尺餘葉深青色似篠竹葉而短每莖  
五葉叢生能繁茂植庭院玩之所謂越主竹高止尺餘  
者此等之類乎



棘竹  
芳竹  
芳字未詳  
本字也

和名抄云  
竹類



本綱棘竹是乃竹別種也棘森然大者圍二尺可以禦賊

人面竹

五雜俎云其竹紋一覆一仰如畫人面然  
 △按人面竹未曾見之棘竹希有之然小竹而未見大者



梭竹

實竹

本綱梭竹其葉似梭可為柱杖  
 △按梭竹來於琉球葉以梭欄葉而無枝高者丈餘身有黑毛節不高喜陰處惡風日霜雪年久者開花亦似梭欄花其竹不中空故雖曰實竹為筴弱脆

觀音竹 梭竹之小者人植盆玩之初出琉球觀音山故名之

樹竹之用



樹


榘音 榘音 榘音 榘音 榘音 榘音 榘音 榘音 榘音 榘音

△按樹字借植木總名也 大枝曰榦 榦音 榦音 榦音 榦音 榦音 榦音 榦音 榦音 榦音 榦音  
 又曰枝柯 柯音 柯音 柯音 柯音 柯音 柯音 柯音 柯音 柯音  
 翹高起曰翹楚 翹音 翹音 翹音 翹音 翹音 翹音 翹音 翹音 翹音 翹音  
 類按華也 氣條字 伐木而根復生曰榘 榘音 榘音 榘音 榘音 榘音 榘音 榘音 榘音 榘音 榘音  
 過樹根傍復生嫩條曰榘 榘音 榘音 榘音 榘音 榘音 榘音 榘音 榘音 榘音



達者曰不牙葛右桁櫟不三亨註有少異而其本字

也  
凡樹陰曰穢音越知名古無良木自斃曰神音立死曰樵音  
木文曰樛音雲俗衆樹蔭蔽曰翁音波江乃




節音切

ツエツ

△按竹中隔而不通者曰節和訓兩節間俗云與竹

青皮曰筠音禮記云猶竹筍之有筠筍皮曰籜  
凡竹物之有筋節者也故筋節字从竹





雜